

Կ Ա Ր Գ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆՆ ԱՌԸՆԹԵՐ ԱԶԳԱՅԻՆ
ԱՆՎՏԱՆԳՈՒԹՅԱՆ ԾԱՌԱՅՈՒԹՅԱՆ ՍԱՀՄԱՆԱՊԱՀ ԶՈՐԲԵՐԻ, ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆՆ ԱՌԸՆԹԵՐ ՀԱՅԱՍՏԱՆԻ ՀԱՆՐԱ-
ՊԵՏՈՒԹՅԱՆ ՈՍՏԻԿԱՆՈՒԹՅԱՆ ԿԱՄ ԱԶԱՏԱԶՐԿՄԱՆ ՎԱՅՐԵՐԻ ՎԱՐՉԱ-
ԿԱԶՄԻ ԿՈՂՄԻՑ ԱՊԱՍՏԱՆԻ ԽՆԴՐԱՆՔԻ ԸՆԴՈՒՆՄԱՆ ԵՎ ԱՅՆ ԼԻԱԶՈՐ
ՄԱՐՄՆԻՆ ՓՈԽԱՆՑԵԼՈՒ

1. Սույն կարգով կարգավորվում են Հայաստանի Հանրապետության սահմանային անցման կետերում, Հայաստանի Հանրապետության տարածքում կամ ազատագրկման վայրերում օտարերկրյա քաղաքացիների կամ քաղաքացիություն չունեցող անձանց ներկայացրած ապաստանի խնդրանքը Հայաստանի Հանրապետության կառավարությանն առընթեր ազգային անվտանգության ծառայության սահմանապահ զորքերի՝ Հայաստանի Հանրապետության պետական սահմանի անցման կետերում տեղակայված ստորաբաժանումների (այսուհետ՝ սահմանապահներ), Հայաստանի Հանրապետության կառավարությանն առընթեր Հայաստանի Հանրապետության ոստիկանության տարածքային մարմինների (այսուհետ՝ ոստիկանություն) և ազատագրկման վայրերի վարչակազմի կողմից ընդունվելու և այն Հայաստանի Հանրապետության տարածքային կառավարման և զարգացման նախարարության միզբացիոն պետական ծառայությանը (այսուհետ՝ ծառայություն) փոխանցվելու հետ կապված հարաբերությունները:

2. Հայաստանի Հանրապետության պետական սահմանը հատելու իրավունք տվող փաստաթղթեր ունեցող՝ Հայաստանի Հանրապետության պետական սահմանի անցման կետերում ապաստանի խնդրանք ներկայացրած օտարերկրյա քաղաքացուն կամ քաղաքացիություն չունեցող անձին սահմանապահները տեղեկացնում են ծառայություն գնալու

անհրաժեշտության մասին՝ տրամադրելով ծառայության լրիվ անվանումը, հասցեն և հեռախոսահամարները:

3. Առանց համապատասխան փաստաթղթերի կամ Հայաստանի Հանրապետություն մուտքի վիզայի մերժում ստացած կամ Հայաստանի Հանրապետություն անօրինական կերպով մուտք գործած և Հայաստանի Հանրապետության պետական սահմանի անցման կետերում ապաստանի խնդրանք ներկայացրած օտարերկրյա քաղաքացու կամ քաղաքացիություն չունեցող անձի հետ սահմանապահներն անցկացնում են հարցազրույց: Հարցազրույցն անցկացվում է ապաստանի խնդրանք ներկայացրած անձի և նրա ընտանիքի անդամների տվյալները, ինչպես նաև ծագման երկրից դեպի Հայաստանի Հանրապետություն ուղին պարզելու նպատակով:

4. Սահմանապահները Հայաստանի Հանրապետության պետական սահմանի անցման կետերում ներկայացված ապաստանի խնդրանքը գրանցում են Հայաստանի Հանրապետության տարածքային կառավարման նախարարի, Հայաստանի Հանրապետության կառավարության առընթեր ազգային անվտանգության ծառայության սահմանապահ գործերի հրամանատարի և Հայաստանի Հանրապետության կառավարությանն առընթեր Հայաստանի Հանրապետության ոստիկանության պետի 2009 թվականի հոկտեմբերի 29-ի N 35-Ն համատեղ հրամանով հաստատված ձևի գրանցամատյանում:

5. Ապաստանի խնդրանքի գրանցումը չի կարող մերժվել ապաստանի խնդրանք ներկայացնող անձի մոտ ճամփորդական կամ նույնականացման փաստաթղթերի կամ վիզայի բացակայության պատճառաբանությամբ:

6. Այն դեպքում, երբ ապաստան հայցողը չունի ճամփորդական կամ նույնականացման փաստաթղթեր, անձի տվյալները գրանցամատյանում լրացվում են նրա ներկայացրած տեղեկատվության հիման վրա:

7. Առանց համապատասխան փաստաթղթերի կամ Հայաստանի Հանրապետություն մուտքի վիզայի մերժում ստացած կամ Հայաստանի Հանրապետություն անօրինական կերպով մուտք գործած ապաստան հայցողներն ուղեկցվում են տարանցիկ գոտում գտնվող կամ այդ նպատակով անցման կետի տարածքում սարքավորված հատուկ կացարաններ և պահվում են այնտեղ Հայաստանի Հանրապետության կառավարության 2013 թվականի հուլիսի 18-ի N 783-Ն որոշմամբ սահմանված կարգով՝ մինչև ապաստանի հայցի ընդունումն ու գրանցումը:

8. Ապաստանի խնդրանքը գրանցամատյանում գրանցելուց անմիջապես հետո սահմանապահները հեռախոսային կապի միջոցով դրա մասին բանավոր տեղեկացնում են ծառայությանը:

9. Ապաստանի խնդրանք ներկայացրած անձանց տրամադրվում է ծառայության և ՄԱԿ-ի փախստականների հարցերով գերագույն հանձնակատարի հայաստանյան գրասենյակի կողմից համատեղ՝ տարբեր լեզուներով մշակված՝ Հայաստանի Հանրապետությունում ապաստան հայցողների իրավունքների և պարտականությունների, ապաստանի տրամադրման ընթացակարգերի վերաբերյալ տեղեկատվական թերթին:

10. Սահմանապահները Հայաստանի Հանրապետության պետական սահմանի անցման կետեր ժամանած ապաստան հայցողներին հանձնելու մասին ակտով՝ համաձայն ձևի, հանձնում են ծառայության աշխատողին:

11. Ոստիկանությանը, ինչպես նաև ազատագրկման վայրերի վարչակազմին ներկայացված ապաստանի խնդրանքն ընդունվում և ծառայությանն է փոխանցվում սույն կարգով:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ-ՆԱԽԱՐԱՐ

Դ. ՀԱՐՈՒԹՅՈՒՆՅԱՆ

Ա Կ Տ N ____

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍԱՀՄԱՆԱՅԻՆ ԱՆՑՄԱՆ ԿԵՏԵՐՈՒՄ ԱՊԱՍՏԱՆԻ
ԽՆԴԻՎՆՔ ՆԵՐԿԱՅԱՑՐԱԾ ԱՆՁԻՆ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՐԱԾՔԱՅԻՆ
ԿԱՌԱՎԱՐՄԱՆ ԵՎ ԶԱՐԳԱՑՄԱՆ ՆԱԽԱՐԱՐՈՒԹՅԱՆ ՄԻԳՐԱՑԻՈՆ ՊԵՏԱԿԱՆ
ԾԱՌԱՅՈՒԹՅԱՆԸ ՀԱՆՁՆԵԼՈՒ ՄԱՍԻՆ

(Հայաստանի Հանրապետության սահմանային անցման կետը)

Մոյն ակտի համաձայն՝ Հայաստանի Հանրապետությունում ապաստանի խնդրանք ներկայացրած
քաղաքացի _____

(քաղաքացիությունը)

(անունը)

(հայրանունը, ազգանունը)

Հայաստանի Հանրապետության կառավարությանն առընթեր ազգային անվտանգության ծառայության սահմանապահ զորքերի կողմից հանձնվում է Հայաստանի Հանրապետության տարածքային կառավարման և զարգացման նախարարության միգրացիոն պետական ծառայությանը:

Հանձնվում են նաև հետևյալ իրերը և փաստաթղթերը՝

1. _____
 2. _____
 3. _____
 4. _____
- _____
- _____
- _____

Հանձնեց՝

պաշտոնը _____

ազգանունը, անունը _____
ստորագրությունը _____

Ընդունեց՝

պաշտոնը _____

ազգանունը, անունը _____
ստորագրությունը _____